



Reykjavíkurborg
Velferðarsvið

Alþingi
Erindi nr. P 132/2113
komudagur 17.5.2006

Alþingi
Allsherjarnefnd
Austurstræti 8-10
150 Reykjavík

Reykjavík, 12. maí 2006

Efni: Tillaga til þingsályktunar um stöðu hjóna og sambúðarfólks, 69. mál.


Vísað er til bréfs nefndarritara félagsmálanefndar, dags. 5. apríl 2006 vegna beiðni til Velferðarsviðs Reykjavíkurborgar að veita umsögn um ofangreinda tillögu til þingsályktunar. Beðist er velvirðingar á þeirri seinkun sem er á svari til nefndarinnar en ástæður seinkunar eru miklar annir.

Velferðarsvið Reykjavíkurborgar tekur undir með flutningsmönnum þingsályktunartillögunnar um nauðsyn þess að könnuð sé mismunandi staða fólks í hjúskap eða sambúð og þessir hópar bornir saman. Þá lýsir Velferðarsvið Reykjavíkurborgar yfir ánægju með fyrirhugaða könnun á því hvernig styrkja megi stöðu hjónabandsins og stöðu sambúðarfólks og það sé gert án þess að það sé gert á kostnað einstæðra foreldra.

Til upplýsinga skal þess getið að Velferðarsvið Reykjavíkurborgar greiðir fjárhagsaðstoð til fólks samkvæmt reglum sem grundvallaðar eru á VI. kafla laga um félagsþjónustu sveitarfélaga nr. 40/1991. Velferðarsvið greiðir og húsaleigubætur til leigjenda samkvæmt 2. gr. laga nr. 138/1997 um húsaleigubætur og einnig svokallaðar sérstakar húsaleigubætur samkvæmt reglum um félagslegar leiguíbúðir og sérstakar húsaleigubætur í Reykjavík samþykktum í félagsmálaráði (nú Velferðarráð) 18. febrúar 2004. Í öllum þessum tilfellum skiptir máli hvort aðstoð sé veitt og/eða um fjárhæð bóta hvort um einstakling eða sambúðarfólk/hjón er að ræða. Frekari upplýsinga vegna þessa verða veittar ef eftir því verður leitað.

Velferðarsvið Reykjavíkurborgar styður eindregið framkomna þingsályktunartillögu.

F.h. Velferðarsviðs Reykjavíkurborgar,



Guðmundur St. Ragnarsson, lögfr.

Hjálagt:

Afrit úr reglum um fjárhagsaðstoð

Afrit sent:

Stjórnsýslu- og starfsmannasvið Reykjavíkurborgar.

Tryggvagata 17
101 Reykjavík
Sími: 411 9000
Bréfsími: 411 9049
www.velferdarsvid.is

Reglur þessar voru samþykktar í félagsmálaráði Reykjavíkurborgar 3. desember 2003 og í borgarráði 9. desember 2003 í samræmi við 21. gr. laga um félagsþjónustu sveitarfélaga nr. 40/1991. Með breytingum samþykktum í félagsmálaráði 28. janúar 2004 og í borgarráði 10. febrúar 2004. Með breytingum samþykktum í félagsmálaráði 9. júní 2004 og í borgarráði 22. júní 2004. Með breytingum samþykktum í félagsmálaráði 17. desember 2004 og í borgarráði 30. desember 2004. Með breytingum samþykktum í velferðarráði (áður félagsmálaráð) 30. mars 2005 og í borgarráði 28. apríl 2005.

I. kafli

Almenn atriði

1. gr.

Inntak fjárhagsaðstoðar

Skylt er að veita fjárhagsaðstoð til framfærslu einstaklinga og fjölskyldna sem ekki geta séð sér og sínum farborða án aðstoðar, sbr. IV. og VI. kafla laga um félagsþjónustu sveitarfélaga, nr. 40/1991, með síðari breytingum, sbr. og III. kafla reglna þessara.

Heimilt er að veita einstaklingum og fjölskyldum aðstoð vegna sérstakra aðstæðna, m.a. vegna heimilisstofnunar, náms eða óvæntra áfalla, sbr. IV. kafla reglna þessara.

Gefa skal sérstakan gaum að fjárhagslegum og félagslegum aðstæðum barnafjölskyldna og meta sérstaklega þarfir barna vegna þátttöku þeirra í þroskavænlegu félagsstarfi, í samræmi við 30. gr. laga um félagsþjónustu sveitarfélaga, með síðari breytingum, sbr. og 16. og 17. gr. þessara reglna.

Jafnan skal kanna til þrautar rétt umsækjanda til annarra greiðslna, þar með talið frá almannatryggingum, atvinnuleysistryggingum, lífeyrissjóðum og sjúkrasjóðum stéttarfélaga, svo og skal kanna rétt til aðstoðar samkvæmt lögum um námsstyrki.

Fjárhagsaðstoð skal veitt í eðlilegum tengslum við önnur úrræði velferðarráðs, svo sem ráðgjöf og leiðbeiningar, í samræmi við V. kafla laga um félagsþjónustu sveitarfélaga.

2. gr.

Framfærsluskyllda

Hverjum manni er skylt að framfæra sjálfan sig, maka sinn og börn yngri en 18 ára. Fólk sem er í skráðri sambúð í Þjóðskrá á sama rétt til fjárhagsaðstoðar og hjón. Sambúðin skal hafa verið skráð í Þjóðskrá í a.m.k. eitt ár áður en umsókn er lögð fram, sbr. 19. gr. laga um félagsþjónustu sveitarfélaga.

3. gr.

Lækkun grunnfjárhæðar

Hafi umsækjandi hafnað atvinnu eða sagt starfi sínu lausu án viðhlítandi skýringa eða hafnað starfsleitaraætlun, skal Félagsþjónustan greiða hálfu grunnupphæð til framfærslu eins og er tilgreind í III. kafla reglna þessara þann mánuð sem hann hafnar vinnu, svo og mánuðinn þar á eftir.

III. kafli
Réttur til fjárhagsaðstoðar
Mat á fjárförf og útreikningur fjárhagsaðstoðar

10. gr.

Mat á fjárförf

Við ákvörðun á fjárhagsaðstoð skal grunnfjárförf til framfærslu, sbr. 11. gr., lögð til grundvallar og frá henni dregnar heildartekjur, sbr. 12. gr.

Tekið skal tillit til sérstakra aðstæðna eftir því sem við á, sbr. reglur þessar.

11. gr.

Grunnfjárhæð

Fjárhagsaðstoð til einstaklings 18 ára og eldri getur numið allt að 84.245¹⁾ kr. á mánuði, hér eftir nefnd grunnfjárhæð.

Fjárhagsaðstoð til hjóna og fólks í skráðri sambúð getur numið allt að 134.792¹⁾ kr. á mánuði (84.245 kr. x 1,6).

Mat á fjárhagsaðstoð er óháð því hvort barn eða börn búa á heimilinu. Undantekning er þegar umsækjandi hefur skertar barnabætur í kjölfar skilnaðar/sambúðarslita og skal þá tekið tillit til skerðingarinnar við mat á fjárförf.

Unglingar, 18 ára og yngri, eiga ekki rétt á fjárhagsaðstoð í eigin nafni.

Fjárhæðir verða endurskoðaðar af Velferðarráði árlega í tengslum við gerð fjárhagsáætlunar.

1) Breyting tók gildi 1. júlí 2004 og 1. janúar 2005

12. gr.

Tekjur og eignir umsækjanda

Allar tekjur einstaklingsins/maka, í þeim mánuði sem sótt er um og mánuðinn á undan, aðrar en greiðslur vegna barna og húsaleigubætur/vaxtabætur, koma til frádráttar við ákvörðun um upphæð fjárhagsaðstoðar. Mæðra- og feðralaun reiknast umsækjanda til tekna. Með tekjum er hér átt við allar tekjur einstaklings/maka sem ekki eru sérstaklega til framfærslu barna, þ.e. atvinnutekjur, allar skattskyldar tekjur TR, greiðslur úr lífeyrissjóðum, atvinnuleysisbætur, leigutekjur o.s.frv. Eigi umsækjandi rétt á atvinnuleysisbótum, skal reikna atvinnuleysisbætur honum til tekna, hvort sem hann hefur stimplað sig eða ekki, nema framvísað sé læknisvottorði.

Miða skal við heildartekjur áður en tekjuskattur hefur verið dreginn frá.

Við afgreiðslu fjárhagsaðstoðar sé gert ráð fyrir að kostnaður vegna barna greiðist af barnabótum, barnabótaauka og meðlögum ef við á.